

یوقاروکی ماده ده بیان اولنان جنایتلری متضمن اولیوب فقط جانب دشمنه دولت علیه نك و یا خود متقلینك احوال نسکر به و ملاکیه سی حقه ده مضرنی موجب اوله جق بعض معلومات ویرلش اولسنی نتیجه ویزایسه او مقوله مخابره بی ایدن کیسه درجه تهنه کوره موقتا قلعه بندقلنور و اگر او مثلاً معلومات ویرمکده جاسوسلق فعلی یعنی دولت علیه نك تدابیر حر بیه سنی دشمنه بیلدیرمک غرضی تدین ایدرایسه بوکامتجاسر اولان شخص درجه جنایتنه کوره موقتا کور که قونیلور و بوجرت اردولده وقوع بولدیغی حالده شخص متهمك قوانین حر بیه یه تطبیقا اعدامی دخی جازا اولور

الی ایکنجی ماده مأمورین و خدمت دولت و سائر دن هر کیم دولت علیه نك امور مهمه بولتیقیه سنه دایر مکالمه خفیه سی و مکاتوم و خفی بر حرکت عسکر به تصمی سرائینه حسب المأموریه و یار سما و اوقاف اولوبدهانی دولتجه مأمور و مانون اولدیغی حالده اجنبی و یا خود دشمن بر دولت مأمورلینه طوغریدن طوغری به و یا بالواسطه افشا ایدرایسه اعدام اولور

الی اوچنجی ماده مأمورین دولت علیه دن هر کیم دولت علیه به متعلق اولان استحکامات و رسانه و لیمانلرینك مأموریتی حسبیه کندوسنه مخصوصا تودیع اولنش اولان رسم و خریدلرینی و یا خود اولردن فقط برینی دشمنه و یا خود دشمن ادملرینه ویررایسه اوچرهنه دن اون بش سنه به قدر کور که قونیلور و اگر او مثلاً رسم و خریدلری دولتجه مأذونیتی اولیه رق بردوست و یا بی طرف بر دولتک ادملرینه و پررایسه برهنه دن اوچرهنه به قدر حسب اولور

الی دردیجی ماده تبعه حضرت شاهانه دن هر کیم دشمن طرفندن کشف و تحقیق احوال ضمنده کوندلش اولان جاسوسلری جاسوس اولدقلرینی بیلرک کتم و اخفا ایدرایسه و یا خود کتم و اخفا ایتدیررایسه مؤبد کور که قونیلور

* (ایکنجی فصل) *

(دولت علیه نك امنیت داخلیه سنی اخلال ایدن جنایت و جنحه لر)